

# ÅRSMELDING 2019 FOR BONDEUNGDOMSLAGET

ÅRSMELDING 2019 FOR BONDEUNGDOMSLAGET.....	1
1. Innleiing.....	1
2. Generelt.....	1
2.1 Medlemstal.....	1
2.2. Lagsstyret.....	2
3. Eigedomar, drift og utleige.....	2
4. Økonomi og forretningsdrift.....	4
5. Kulturaktivitetane.....	5
5.1 Nynorskens hus.....	5
5.2 Særlaga.....	6
5.3 Faste tilskipingar.....	7
7. Informasjonsarbeid.....	8
8. Målarbeid.....	8
9. Tilsette på lagskontoret.....	11

## 1. Innleiing

2019 var prega av stor aktivitet i heile laget. Med nesten 650 medlemmer, fire aktivitetsgreiner, to hytter eit kulturhus og forretningsverksmed er det mykje som skjer. Hovudlaget har i 2019 brukt mykje tid på å få på plass administrative rutinar og nytt økonomisystem, og også arbeidd med informasjon gjennom nyheitsbrev og sosiale media.



## 2. Generelt

### 2.1 Medlemstal

Laget har hatt ein nedgang i medlemstal i siste åra. Dette er spesielt prega av endring i IL. Dei andre særlaga har eit relativt stabilt medlemstal. 2/3 av medlemmene er med i IL, og om lag ein fjerdedel er med i Leikarringen. Det er ei ganske jamn kjønnsfordeling. 55% av medlemmene er under 30 år og 75% er under 50 år.

MEDLEMSTAL*	Pr. 31.12.2019	Pr. 31.12.2018	Pr. 31.12.2017	Pr. 31.12.2016	Pr. 31.12.2015
<b>BUL</b>	<b>639</b>	<b>677</b>	<b>701</b>	<b>716</b>	<b>812</b>
Av desse:					
Idrottslaget	393	429	452	457	537
Leikarringen	144	128	123	135	150
Songlaget	30	33	37	39	36
Teaterlaget	21	24	22	27	23
Ikkje med i særlag	51	63	67	61	66

\*Medlemer som har betalt kontingent i løpet av året og som står som medlemmer ved årsskiftet



## 2.2. Lagsstyret

Etter årsmøtet 20. mars 2019 var dette lagsstyret:

Leiar	Terje Svindseth
Nestleiar	Julie Farseth Berg
Styremedlem	Gunnvald Grønvik
Styremedlem	Olav-Johan Øye
Styremedlem	Heidrun Sølna Øverby
1. varamedlem	Anne Cathrine Johansen
2. varamedlem	Heidi Gunnhildberget Einarsrud
3. varamedlem	Øystein Grønmyr

I 2019 har lagsstyret hatt 11 møte. Leiareren eller nestleiareren har leia møta. Lagsstyret har handsama 109 saker. Varamedlemene vart kalla inn til alle møta. For å sikra framdrift mellom styremøta og for å halda jamleg kontakt med administrasjonen, har lagsstyret organisert eit arbeidsutval (AU) med leiar og nestleiar. I tillegg har leiareren hatt fleire møte med administrasjonen. Saker til styremøtet vert førebudde i samarbeid mellom lagsleiar/AU og administrasjonen.

## 3. Eigedomar, drift og utleige

### Lagslokala

I Teatersalen har vi i 2019 fått slipt og lakka golvet. Vi har òg fått montert akustikkgardin i heile salen. Dette hjelper godt for teater og aktiviteter som inkluderer prating i mikrofon. Det blei kjøpt inn

rekkeverk til plattingane slik at vi tek vare på HMT (Helse, miljø og tryggleik) for publikum, tilsette og medlemmer. Heilt på tampen av året, kjøpte vi inn svarte dansematter som både kan brukast for å skåne golvet samtidig som det gjer det mogleg å skape eit heilt svart rom for framsyningsføremål. Alt dette kjem godt med både til interne og eksterne arrangement. Det er også kjøpt inn nye lyskastarar og nytt lysbord.

Under dugnaden i august fekk vi rydda i lagerromma, og dermed fekk vi starta opp oppussinga av betre oppbevaringsrom for særлага. Nytt kostymelager for Teaterlaget vart ferdigstilt.

I august var det vasslekkasje på huset. Dette gjekk utover Lagsrommet der vi måtte skifte golv. Dette gjorde at Lagsrommet vart ståande ubrukt til det var tilbake i drift i oktober/november med nytt golv, som er enno betre til dansing enn det som låg der frå før. Utsiftinga vart dekt av forsikringa til Bøndenes Hus AS. I desember vart det montert ny oppvaskmaskin, sidan den gamle ikkje fungerte lenger.

I 2019 er det hengt opp bilete frå aktivitetar i særлага og hyttene på lagskontoret. Dette viser godt breidda i aktiviteten i laget. Elles er trivselen framleis høg.

## **Hyttene**

### **Røkleivhytta**

Som dei siste åra, har 2019 vore prega av stor utleigeaktivitet, først og fremst til organisasjonar utanfor BUL. Hytta har hatt over 630 gjester som har overnatta i 62 døgn, og over 1.100 gjestedøgn. Det seier seg sjølv at Hyttestyret har hatt det travelt når hytta skal synfarast etter kvar utleige. Men det har vore ei glede å erfare at i 2019 har leigetakarane vore eksemplariske med god opprydding etter seg.

Etter mange års vedlikehaldsetterslep på Røkleivhytta, både utvendig og innadørs, fekk Hyttestyret i 2017 ein tilstandsrapport frå firmaet Opak der det vart peika på både lovpålagde manglar og råd om oppgradering og vedlikehald. Sjølv om ikkje alle forslaga frå Opak har kunna blitt følgt opp i 2019 heller, er hytta i mål når det gjeld prioriterte oppgåver som branntryggleik, alarmanlegg og total rehabilitering av det elektriske anlegget, som også kan fjernstyrast.

Når det gjeld oppgradering av hytta elles, skal det først og fremst nemnast utskifting av tre vindauge for soveromma mot nord, vinterisolert kjellardør og nytt kjellarvindauga. Isolasjonseffekten er stor. Utskifting av innerdør, måling av trappegang blei også ferdigstilt i 2019. Hyttestyret har dessutan fått installert ny oppvaskmaskin til hytta, og ny sofagruppe til peisestova kjem på plass i februar 2020.

Hyttestyret har i 2019 lukkast med å få til eit godt samarbeid med Bymiljøetaten når det gjeld utbetring av traktorvegen frå Hyttli til hytta. Dei har fått løyve til å felle tre og fyllte steinmasse til dei myrkulpane som har vore problematiske å kome forbi med traktor og ATV. Hyttestyret har også fått god kontakt med mannskapet som driftar Wyllerløypa, og dei har sagt seg villige til å køyre den steinmassen vi har behov for.

Det mest gledelege er at Transportavdelinga hos Bymiljøetaten har stilt seg til disposisjon med ATV for transport tyngre gods frå Sørkedalen til hytta! Det er såleis Bymiljøetaten som har stått for transporten av oppvaskmaskin, sofagruppe og all byggematerial vinteren 2019/2020.

Styret har i 2019 hatt desse medlemmane:

Tormod Bønes (leiar)

Olaf Allmenningen

Sveinung Helgheim

Gudrunn Folkedal

## **Bondehytta**

Det største som har hendt på Bondehytta i år er bygging av ny toalett-løysning. I staden for den gamle ordninga med bøtter som måtte tømmast av dei som lånte hytta etter kvart besøk, blir det no to snurredassar med mykje større kapasitet, som kan tømmast på dugnad om lag ein gong i året. Hyttestyret håpar og trur at dette vil gjere det meir attraktivt å låne eller leige hytta. På grunn av arbeidet og at dei ikkje visste når dette kom i gang, har hytta vore stengt for utleige i haust. I skrivande stund (30. januar 2020) går arbeidet mot slutten, og vi håper at alt er klart i løpet av februar månad.

På eit av soveromma har tre køyesenger blitt erstatta av to familiekøyer (dobbeltseng nede og enkeltenseng oppe). Talet på soveplassar er det same, men rommet ser ryddigare ut med meir golv plass.

Det har også blitt kjøpt inn utstyr for «ring-hytta-varm» til veslestova. Det vil bli montert etter at elektrikar får montert ny stikkontakt. I september slutta den elektriske vasspumpe å fungere og måtte difor bytast ut.

Det var to BUL-arrangement på hytta i 2019: Sommarfest med grilling i regi av hyttestyret i juni, og hytteleik i regi av Leikarringen i august.

Det har vore tre ordinære dugnadshelger i 2019, samt nokre dagsverk i samband med innkjøp av utstyr, bytte av vasspumpe og riving av dei gamle toalettbåsane.

Styret har i 2019 hatt desse medlemene:

Øystein Gammersvik (leiar)  
Rune Bergwitz  
Astrid Skrindo  
Anne Cathrine Johansen  
Klas Ekeland

## **Utleige**

Teatersalen og lagsrommet: Begge lokala har vore mykje utleigde ved ledig kapasitet, og vi har hatt ekstern utleige for NOK 398.000 i 2019.

Kontorlokala: Deler av lokala i 2. etasje, som BUL leiger av Bøndernes Hus AS, er leigd tilbake til Bøndernes Hus AS for NOK 251.568 for 2019.

Den mangfaldige scenen AS har øvingar og administrasjon hos BUL og betaler husleige for dette, totalt NOK 222.000 for 2019.

## **4. Økonomi og forretningsdrift**

Laget hadde i 2019 inntekter på nær 2,4 mill. kroner før renteinntekter og kostnader på nær 8,3 mill. kroner. Renteinntekter frå Bøndernes Hus AS (BHAS) var på om lag 1,5 mill. kroner. Underskotet i lagsrekneskapen vart dekt inn ved at BHAS betalte ned lånet. Likviditetsuttaket frå BHAS var 4 mill. kr i 2019 til BUL. Laget har hatt god likviditet gjennom 2019.

BUL søkte om kulturhusmidlar i samband med oppussinga nede i 2009. Restbeløpet av tilskotet blir uttbetalt etter at ferdigattest er levert. Laget fekk difor ei utbetaling på kr 2,5 million i starten av året. Dette gjorde at vi kunne gjere nokre større investeringar i blant anna akustikk gardin til Teatersalen og hyttetoalett.

Laget tok i bruk økonomisystemet Xledger i 2019. Dette er det same systemet som IL har hatt i fleire år. Det var ein trong oppstart både for systemet og nytt rekneskapskontoret, men bruken er vidareutvikla gjennom året og er no stabil. Alle økonomiansvarlege i særlega har fått opplæring. Oppfølging av reknekap og revisjon har vore utfordrande for ny dagleg leiar. Nytt økonomisystem vil gjere begge delar mykje lettare framover.

Bøndenes Hus AS (BHAS) med forretningane Hotell Bondeheimen, Kaffistova og Heimen Husfliden er den viktigaste inntektskjelda for laget.

Etter godkjenning på årsmøtet i laget i 2019, er det innført permanent alkoholservering. I løpet av 2019 blei 19 rom og korridorar i 6. og 7. etasje pussa opp, resepsjonen, to nye publikumsheisar og damegarderobe pussa opp. Det blei òg etablert trimrom.

## **5. Kulturaktivitetane**

### **5.1 Nynorskens hus**

Nynorskens hus har hatt 2 hovudsatsingar som, legg særleg vekt på språket: *Fossefestivalen* fann stad 6-15. september, og *Ein dag i Nynorskens hus*, som starta opp med utvikling og prøver i slutten av 2019, og med premiere 13. januar 2020.

I løpet av *Fossefestivalen* gjennomførte Nynorskens hus i samarbeid med mellom anna Songlaget, Leikarringen, Teaterlaget, Den mangfaldige scenen, Kaffistova, Det Norske Jentekor, Det Norske Teatret og Oslo Domkykje 23 produksjonar, med over 500 publikummarar. Det var 3 urframføringar..

*Ein dag i Nynorskens hus* er ei vandreframsying om språkhistoria og kulturen i huset og er laga for barn på 6. trinn for Den kulturelle skulesekken. Framsyinga er utvikla i samarbeid med Norsk Målungdom og Den mangfaldige scenen, og er planlagt vist for til saman om lag 900 elevar i perioden 2020-2022. Forteljarane kjem frå Teaterlaget og Den mangfaldige scenen. Kjersti Alm Eriksen har scenografien som kler heile huset.

Nynorskens hus har i samarbeid med Samlaget og vennelaget Samlagsrota hatt to bokpresentasjonar i Kaffistova: Ragnar Hovland og Oskar Stein Bjørlykke.

Det er lagt eit grunnlag for eit sterkare samarbeid med Vestland fylke og særleg gjennom bidrag/faglege råd til oppretting av Jakob Sande - eit senter for forteljekunst i Fjaler. Liv Hege Skagestad har vore kunstnarleg ansvarleg og prosjektleiar for arbeidet med Nynorskens hus.

Nynorskens hus har også vore leigd ut til ein rekke kulturarrangement; mellom anna Brahms På 123, der vi har bidratt med eit godt språk i programheftet.

Det er gjennomført ei evaluering av arbeidet i Nynorskens hus, som opna i 2014. Namnet fekk vi av Jon Fosse. I perioden har vi hatt over 660 framsyningar innan teater, musikk, dans, litteratur, design og ulike type debattar. Omlag 71.000 publikum har sett produksjonane, av desse er 70-80 prosent vist utanfor huset (mellom anna som turne med *Norwegian Folk* og *Pavlovs tisper*). Produksjonane har blitt skapt i møte mellom profesjonelle og amatørar og nærskylde organisasjonar utanfor og innanfor huset. Huset blir i aukande grad opplevd som ein heim for stadig nye innflyttarar til byen, ein stad å uttrykke seg på tvers av alder og bakgrunn. Nynorskens hus er også i ferd med å bli ein merkevare, og med oppgraderinga, attraktiv å leige. Utfordringa vidare er å sikre at vi lever opp til namnet Nynorskens hus ved å vidareføre ei satsing på språk, styrke dialogen med særlega og nærskylde miljø,

ta Kaffistova meir i bruk som kulturarena, å skaffe ekstern økonomisk støtte særleg med vekt på å formidle det nynorske språket.

Den mangfaldige scenen har i 2019 hatt over 300 aktive barn og unge frå alle miljø i vekentlege kurs og 91 framsyningar for over 6.000 publikum. Dei største produksjonane har vore under *Fosse-festivalen* og Indisk/norsk folkedans, *Dustefjerten* av Rune Belsvik og *Gullfebla* som no er med i Den kulturelle skulesekken. Ei utfordring vidare er å få til ei auke av den offentlege støtta til DMS slik at organisasjonen blir meir robust og kvaliteten bli helde på høgt nivå.

## 5.2 Særлага

**Songlaget** har i sitt 105. år hatt 36 medlemmer. I mars song dei under gudstjeneste i Slottskapellet og for bebuarane på St.Hanshaugen Omsorgssenter. Konseptet *Song i butikk* har tatt om seg. Heile 3 gonger har koret stilt opp i bunad og sunge for Heimen Husfliden og Backe i Grensen. Dette er gjeve oppdrag der koret er synleg for omverda og som gir penger i kassa. 17. mai deltok koret som vanleg på Brusteinballet. Årets kortur gjekk til Elverum der Songlaget deltok på Korslaget saman med 8 andre lokale kor. Publikum stemde Songlaget fram til ein sterk tredje plass. Sumarkonserten blei halden på Kroloftet på Frysja. I samanhang med Jon Fosse-jubileet fekk koret komponert ein song over Fosses tekst *Auge i vind*. Denne har blitt framført fleire gonger, til dømes under Fosse-gudstjenesten i domkyrkja i Oslo, under danseframføringa *Minutt til solnedgang* i Nynorskens hus og til Leikarringens hundreårsjubileum Åremålsleik. Songen *Auge i vind* er skriven av Liv Ulvik og er ei gåve frå BUL. Koråret vart avslutta med ein stemningsfull julekonsert i Gamle Aker kirke. Koret sin tidlegare dirigent Vegar Sandholt spelte orgel, piano og klokkespel. Songlaget søker songarar og oppmodar difor alle medlemmer i BUL, særleg menn med sans for korsong og folketonar frå inn og utland, til å melda seg.

**Leikarringen** feira i 100-årsjubileum i 2019. Det gjorde dei med åtte arrangement jamt fordelt gjennom året. Feiringa fekk namnet *Hundreleik* og delarrangementa *Sleppeleik* (2018), *Storleik*, *Mimreleik*, *Hurrareleik*, *Småleik*, *Hyttleik*, *Jubelleik* og *Åremålsleik*.

På alle arrangementa var det god deltaking av både medlemmer og vener av ringen. Utover sjølve jubileet har Leikarringen halde fram med jamne øvingar både for tysdagar, Søndansen, BULder og Brak, og den nystarta barnegruppa TrøBUL. Medlemstalet i Leikarringen tel 144 ved inngangen til 2020.

**Idrottslaget** arrangerte Asics Sentrumsløpet på ein god måte og solid deltakarrekord med totalt 12.500 påmeldte for alle distansar. Laget har arrangert Bislett Games i samarbeid med IK Tjalve og SK Vidar, Friidrettskulen på Bislett Stadion og Julestemne i Bærum Idrettspark. Treningane går sin vande gang på ærverdige Bislett Stadion og IL har ca 370 aktive medlemmer. Det er fortsatt stor pågang og dei har venteliste på barnegruppene. IL har totalt 6 barnegrupper frå 2005-2014 som har treningar på mandagar og onsdagar. BVT-gruppa har treningane sine på Nordpolen skule med fotball og handball.

Idrottslaget har mykje å sjå fram til i komande sesong, der de kan følge spanande ungdommar og utøvarar.

Nokre av høgdepunkta på idrettsbana:

- Lene Retzius sette norsk rekord i stav med sterke 4,51, og representerte Noreg under friidretts-VM i Doha, Qatar. Her deltok også vår sterke maratonløpar Weldu Negash Gebretsadik.
- I NM på Hamar blei det tre gull til BUL. Gullmedaljørane var Sigrid Jervell Våg på 1500 meter, Isabelle Pedersen på 100 meter hekk og Lene Retzius i stav.

- Damelaget blei nummer to i Holmenkollstafetten, bak IK Tjalve.
- Heidi Weng hadde ikkje sin aller beste sesong i langrennsløypa, men blei likevel nummer 16 samanlagt i World Cup og nummer 7 i Tour de Ski.

**Teaterlaget** har i 2019 hatt to framsyningar. Laurdag 8. juni var det premiere på *Jorda rundt på 80 dagar*, ei framsyning basert på Jules Verne sin klassikar. Instruktør var Pia Louise Edvardsen. Det vart spelt fem framsyningar. Laurdag 7. desember var det premiere på *Ei Julesoge*, etter Charles Dickens si kjende novelle. Regi var ved Truls Toftnes og det blei spelt fem framsyningar.

Teaterlaget kom i 2019 på 1. plass i NU si nasjonale spørjetevling *Kven veit*. Økonomien til Teaterlaget er etter fleire år med underskot i balanse. Dette skuldast mellom anna ei auke i særslagstøtta frå BUL og stønad frå Kulturrådet si nye ordning for tilskot til amatørteater.

### **Prosjektilskot**

Lagsstyret har oppretta ei ordning der særлага kunne søke på prosjektilskot. I 2019 er det delt ut kr 25.000 til Idrottslaget til inkluderingstiltak, ei ordning for å gi utstyr- og reisetilskot til dei som ikkje har god råd. Teaterlaget fekk kr 20.000 i tilskot til kurs og til nye kulissar. Songlaget fekk reisetilskot til kortur til Elverum.

Leikarringen fekk kr 30.000 i jubileumsgåve.

Lagsstyret vil takke særлага for all aktivitet, tilskipingar, framsyningar og styrearbeid, og for samarbeidet i året som har gått.

Vi viser elles til årsmeldingane frå særslag og nemnder.

### **5.3 Faste tilskipingar**

17. mai: Som vanleg starta dagen med markering ved Aasen-bautaen på Vår Frelzers gravlund. Leikarringen tok ansvar for Brusteiinsballet på Universitetsplassen kl. 18.14-20.00. Songlaget opna ballet, og deretter leia Vegar Vårdal, Bjørn Kåre Bråten Odde, Linn Andrea Fuglseth, Olav Christer Rossebø og Åsmund Reistad dansen for dei mange frammøtte. Det vart ikkje arrangert feststund i 2019. Vi har sett minkande interesse for arrangementet, og har vurdert om vi kan gjere dette på andre måtar, men styret konkluderte med at det ikkje let seg gjere.

11. desember var det julegraut. Det møtte om lag 130 medlemmer, dei fleste av dei barn og unge frå Idrottslaget. Det var i år, som i fjor, kviss ved styreleiar i Idrottslaget og allsong. I tillegg fekk vi besøk av julenissen som fekk med seg borna i allsong, og delte ut godteposar til alle.

### **6. Andre aktivitetar**

BUL har hatt utsendingar på landsmøtet i Noregs Ungdomslag, og vore representert på årsmøta/generalforsamlingane til Bygdelagssamskipnaden, Det Norske Teatret, Dag og Tid, Den mangfaldige scenen AS og årsmøtet og rådsmøtet til Norsk Barneblad. BUL er godt representert i Målpolitisk råd på Det Norske Teatret.

Regjeringa arbeider med framlegg til regionalisering av tilskot til kulturinstitusjonar. Til liks med Noregs Ungdomslag og Noregs Mållag har BUL sendt inn ein uttale til Kulturdepartementet, der vi seier at Det Norske Teatret framleis bør få heile tilskotet frå Kulturdepartementet.

## 7. Informasjonsarbeid

Heimesida (alle sider) har til saman hatt 66.019 sidevisingar i 2019. Dette er totalen av alle gonger nokon har trykt seg inn på ei side. Her er topp 10:

<b>Framsida</b>	<b>9326</b>
<b>/idrottslaget/</b>	<b>6197</b>
<b>/leikarringen/</b>	<b>3963</b>
<b>/idrottslaget/friidrett/</b>	<b>3832</b>
<b>/velkomen-til-il-i-buls-julestemne-30-november</b>	<b>2242</b>
<b>/idrottslaget/friidrett/barn/</b>	<b>2034</b>
<b>/idrottslaget/friidrett/ungdom/</b>	<b>1327</b>
<b>/bondeungdomslaget-i-oslo/om-bul/</b>	<b>1226</b>
<b>/leikarringen/kalender-leikarringen/</b>	<b>1020</b>
<b>/bondeungdomslaget-i-oslo/om-bul/bli-med/</b>	<b>973</b>

Det har jamt vorte publisert informasjon på laget sine Facebook-sider. På BUL si side har vi hovudsakleg delt saker frå særлага og BUL-arrangement. I tillegg har vi hatt ein julekalender med postar på adventssøndagane. Her kunne medlemer og andre vinne teaterbilletter, billetter til julekonserten til Songlaget, eit flott sjal vi hadde fått sponsa av Heimen Husfliden, og siste søndag før jul var premien ein lunsj for to på Kaffistova. Denne var sponsa av Kaffistova. BUL si Facebookside hadde ein oppgang frå 471 til 537 følgjarar i løpet av 2019.

På Nynorskens hus si Facebook-side har vi hovudsakleg delt arrangement som skulle finne stad i Nynorskens hus. I tillegg hadde vi eit videoprojekt i sommar i samband med Fosse-festivalen. Vi la ut 18 videoar av folk som les og snakkar om Jon Fosse. Nynorskens hus hadde oppgang frå 753 til 979 følgjarar i 2019. Nynorskens hus opna også ein Instagram-konto i juni, som ved årsskifte hadde om lag 150 følgjarar. Her har vi lagt ut 18 innlegg frå forskjellige hendingar på huset.

Vi har sendt ut fire nyheitsbrev i 2019: i februar, mai, september og november. Nyheitsbrev skal vere til dei som ynskjer å følgje aktiviteten i laget, utover naudsynt informasjon. Det er difor mogleg som medlem å melde seg av nyheitsbrevet, og mogleg for folk som ikkje er medlemmer å melde seg på.

	feb.19	mai.19	sep.19	nov.19
Sendt til	614	704	746	771
Opna	350	367	284	294

Vi bestemte å gjere det på denne måten etter innføringa av GDPR for å følgje regelverket som legg vekt på at folk sjølv skal få betre kontroll over kva informasjon dei ynskjer. Vi har likevel sendt ut all viktig informasjon om laget til alle medlemmer via Styreweb

## 8. Målarbeid

Målarbeidet har først og fremst vore knytt til laget sine aktivitetar, og målnemnda har stått for mykje av aktiviteten. Fylkesmållaget Vikværingen har vore ein viktig samarbeidspartnar.



BUL har satsa vidare på Nynorskens hus, og tilskippingar og tiltak her har gitt målarbeidet eit løft, og gjort målarbeidet viktigare i laget. Et prosjekt som «Ein dag i nynorskens hus» ville ikkje ha vore mogeleg for nokre år sidan.

Målnemnda har skipa til kulturkveld om Alf Prøysen i Nynorskens hus før sommaren og på huasten hadde dei ei tilskipping om språk med filolog Kristin Fridtun. Nemnda har også vore medtilskipar for Norsk målstemna og Nynorsk motivasjonsdag for lærarar.

Nynorsk har vore brukt på ein god måte på nettsidene og Facebook-sider i laget.

Særlaga vert framleis oppmoda om å bruke nynorske tekster når stykke og repertoar vert valt, og i kommunikasjon elles.

### Kva vi ville få til og kva vi fekk til i 2019

I handlingsplanen *Ein heim* skriv vi kva vi ønskjer å oppnå i komande året. Kva fekk vi til i 2019? Her listar vi opp dei tiltaka som gjeld hovudlaget.

Medlemsorganisasjonen	
Dette planla vi	Dette fekk vi til
Nytt økonomisystem	Innført, men det var ikkje knirkefritt
Liste over medlemsfordelar	Blir lagt fram på årsmøtet 2020
Tiltak for fleire medlemmer	Ikkje gjennomført
Utarbeide kommunikasjonsplan og årshjul	Delvis gjennomført. Sendt ut nyheitsbrev og lagt ut mykje på Facebook. Fått Instagram for Nynorskens hus. Utvikla nettsida noko
Tydelegare kven vi er og kva vi driv med	Fått laga ein banner med særlagslogoar, og ein banner for Brusteiinsballet
Laget skal lage ein digital strategi	Ikkje gjennomført, men administrasjonen har tatt i bruk Office 360 og Teams. Alle særlag har fått @bul.no-adresser

Aktivitatar	
Dette planla vi	Dette fekk vi til
Hovudlaget skal ta initiativ til arrangement, og sette i gang arbeid med aktivitatar som er tenlege for heile laget. Vi skal også sørge gode og trygge rammer for aktiviteten til laget.	Administrert Brusteiinsball 17. mai og organisert julegraut. Kjøpt inn nytt utstyr til Teatersalen. Gjennomført HMT-tiltak. Starta oppussing av lager

Nynorskens hus	
Dette planla vi	Dette fekk vi til
Skal utvikle innhald og program til «Ein dag i Nynorskens hus» i samband med den kulturelle skulesekken.	Gjennomført. Premiere i januar 2020
skal vere arena for og bidra til programmet under Jon Fosse-festivalen i september	Gjennomført
samarbeide med andre nynorsk miljø om arrangement	Samarbeidd med Samlaget/Samlagsrota, Norsk Målungdom, Det Norske Teatret, Hordaland

	Teater, Den mangfaldige scenen, Kringkastingsringen
Skal jobbe med utvikling av andre typar arrangement, som t.d. å vere ein nøytral stad for politisk debatt, stand-up, konsertar, boklanseringar og debattar	Gjennomført boklanseringar, konsertar og debattar.
Skal ha lansering av haustprogram: 19. august	Ikkje gjennomført
evaluere Nynorskens hus. Ressursbruk, innhald og arrangement, økonomi, namnebruk og korleis det støttar opp om BUL som organisasjon.	Gjennomført.

<b>Eigedom og forretningsdrift</b>	
<b>Dette planla vi</b>	<b>Dette fekk vi til</b>
Sikre attraktive lokaler ved å halde lagslokala og teknisk utstyr godt ved like.	Vi har kjøpt inn nye lyskastarar og nytt lysbord. Teknisk ansvarleg Jøran Normann sørger for oppfølging og vedlikehald av utstyret. Lagsrommet fekk nytt golv etter vasslekasje
Henge opp teppe/gardin i Teatersalen for å betre akustikken	Gjennomført
Vedlikehalde golvet i Teatersalen	Gjennomført. Golvet er lakka og slipt for første gong sidan det vart lagt i 2000.
Vurdere omfang og pusse opp lagerområde	Starta opp. Eit rom er pussa opp.
Lage ein langsiktig vedlikehalds- og investeringsplan	Ikkje gjennomført
Gjennomføre og informere om HMT-tiltak	Kjøpt inn HMT-utstyr til sceneplattningar og til bruk i stige.
Arbeide med utvikling av utleige utan at det går utover aktiviteten til særлага.	Vi leigar ikkje lenger ut til eksterne på vekedagar
Samarbeide med forretningane om eit prosjekt om «frukostmøter».	Ikkje aktuelt å gjennomføre for laget. Ev. kommersiell utleige vil vere opp til BHAS.
Laget skal vere ein god og aktiv eigar av Bøndenes Hus AS for å sikre god avkasting på den investerte kapitalen i forretningsverksemda og ei stabil inntekt til laget.	Laget for jamnleg oppdatering om stoda i BHAS i rådsmøta. Vi har ei etablert ordning for fastsetting av renter på låna til BHAS. Laget finansierer no drifta gjennom renteinntekter og aksjeutbytte. Det er etablert ein handlingsregel for uttak, som vi vurderer innhaldet i og praktiseringa av.

<b>Samarbeid</b>	
<b>Dette planla vi</b>	<b>Dette fekk vi til</b>
Laget skal vere aktivt i Noregs Ungdomslag og Noregs Mållag, nasjonalt og på fylkesnivå.	BUL var representert på landsmøtet i NU. Lagsleiaren er organisatorisk nestleiar i styret i Noregs Ungdomslag. BUL-medlem Jon Låte er leiar i fylkesmållet Vikværingsen.

Laget skal vere ein god og aktiv deleigar i LL Det Norske Teatret og Den mangfaldige scenen AS og bidra til vidareutvikling av verksemdene.	BUL har 10 utsendingar til generalforsamlinga til DNT, og markeres seg på dette møtet. Det sit fleire BUL-medlemmer i Målpolitisk råd på teateret. BUL er representert i styret i DMS.
Som ein av stiftarorganisasjonane skal laget følgje opp Norsk Barneblad og Dag og Tid.	Vi er representert i rådet i Norsk Barneblad og møter på generalforsamlinga i Dag og Tid
Laget skal vere vert for møte i Nynorsk forum i februar.	Gjennomført.

## 9. Tilsette på lagskontoret

- Øystein Bagle-Tennebø, dagleg leiar, 100 %-stilling
- Liv Hege Skagestad, plan- og utviklingsansvarleg, 100 %-stilling (50 % permisjon for å jobbe i DMS)
- Kari Velure, organisasjonskonsulent, 80 %-stilling
- Jøran Normann, ansvarleg for utleige/sal/teknikk, 50 %-stilling, utleigd 7,5t vekentleg til BLS
- Kristoffer Nilsen, dagleg leiar Idrottslaget, 100 %-stilling (slutta 15. januar)
- Eirik Tanberg, dagleg leiar Idrottslaget, 100 %-stilling (frå 15. januar)
- Simen Wifstad, Administrasjon- og arrangementsansvarleg Idrottslaget, 100 %-stilling (starta 5. februar)

Det har ikkje vore ulukker eller skadetilfelle i 2019. Sjukefråveret er lågt. Laget som arbeidsgjevar er bunde av *Landsoverenskomsten for virksomheter mellom Virke og arbeidstakarorganisasjonane*.

## 10. Tilskipingar i 2019

Denne lista viser tilskipingar i regi av BUL med særslag, arrangement der særslaga har vore med, og andre arrangement i Nynorskens hus.

Tilskipingar i **utheva skrift** er i regi av BUL, i *kursiv* er arrangement der BUL har vore med.

### Januar

5. **Storleik/Hundreleik, Oslo Ladegård (Leikarringen)**

### Februar

13. Liggekonsert med Slagr

2-3. *NM innandørs i Haugesund (Idrottslaget)*

### Mars

27. **Prøysenkveld (Målnemnda)**

26. **Mimreleik/Hundreleik (Leikarringen)**

15. Liggekonsert med Slagr

### April

27.-28. *Underhaldning på Landsmøtet til Noregs Ungdomslag (Teaterlaget og Leikarringen)*

27. **Asics Sentrumsløpet 2019, Idrottslaget**

9. **Lønningspols**

4. Bjørlykke i Nynorskens Hus, Samlagsrota

### Mai

25. Ensemble Ernst – Release

24. *Korslaget 2019 (Rådhuset Elverum) (Songlaget)*  
17. **Brusteinsball på Universitetsplassen, Leikarringen og Songlaget**  
17. **Hurraleik/Hundreleik (Leikarringen)**

#### Juni

- 26.-30. *Landskappleiken – Vågå 2019 (Leikarringen)*  
24.-28. **Friidrettskule (Idrottslaget)**  
22. *Fabrikkfest på Kroloftet (Songlaget)*  
21. **Småleik/Hundreleik, Apalløkka skule (Leikarringen)**  
15. *Krantz // Cikada Strykekvartett*  
13. **Bislett Games 2019, Idrottslaget er medarrangør gjennom Bislettalliansen**  
8.-4. **Jorda rundt på 80 dagar (Teaterlaget)**  
4. **Sommaravslutning for Leikarringen**

#### Juli

- 01.-05. **Friidrettskule (Idrottslaget)**

#### August

- 23.-25. *Jr.-NM i Sigdal (Idrottslaget)*  
23. **Hytteleik/Hundreleik (Leikarringen)**  
21. **Ryddedugnad R8**  
02.-04. *NM på Hamar (Idrottslaget)*

#### September

29. *Norsk Målstemn 2 på Litteraturhuset i Oslo. (Medtilskipar: målnemnda)*  
28. *Norsk Målstemna 1 på Litteraturhuset i Oslo. (Medtilskipar: målnemnda)*  
27.09-06.10 *VM i Doha (Idrottslaget)*  
18. **Språket er ei bukse. Kulturkveld med filolog Kristin Fridtun (kåseri) og spelemann Fredrik Hope (slåttar på fele). (Målnemnda)**  
6.-15. **Fosse i Nynorskens hus – Fossefestivalen 2019**  
15. *Folk les høgt frå Septologien (Kaffistova)*  
15. *Høgmesse på nynorsk (Oslo domkyrkje, ein del av Fossefestivalen)*

#### Oktober

26. **Jubelleik/Hundreleik (Leikarringen)**  
23. *Christian Wallumrød Ensemble med ny musikk på Nynorskens Hus!*  
23. *Hovland og Tokvam + Dei nye kapellanane (Kaffistova)*  
18. **Språket er ei bukse – Kristin Fridtun (Målnemnda)**  
16. *Nynorsk motivasjonsdag på Det Norske Teatret (Støttespelar: målnemnda)*  
8. **Lønningspols (Leikarringen)**

#### November

30. **Julestemne, Bærum idrettspark (Idrottslaget)**  
24. *Førjulsfest med UFO Og BULder og Brak*  
26. *Nynorsk i riksavisene? Faktisk? (Kaffistova)*  
16. *Oslokkappleiken 2019 (Leikarringen)*  
14. **Åremålsleik/Hundreleik (Leikarringen)**  
8. og 10. *Brahms på 123*  
9. *PowerSLAM XVII - Årets største wrestlingshow!*

#### Desember

7. -13. **Charles Dickens: Ei julesoge (Teaterlaget i BUL)**

8. **Julekonsert i Gamle Aker kyrkje (Songlaget)**
4. Liggekonsert med Slagr
3. **Juleavslutning (Leikarringen)**

## **11. Valde ombod i og for Bondeungdomslaget i 2019**

### **Landsmøtet i Noregs Ungdomslag**

Mari Elise Haugen, Edvard Lauen, Endre Flatmo, Maria Austbø og Vivian Brattsti Sørensen.

### **Årsmøtet i Bygdelagssamskipnaden**

Julie Farseth Berg, Gunnvald Grønvik, Kåre Lilleholt, Arne Nordvi og Olav Kårevik

### **Årsmøtet i Vikværingen**

Ingen

### **Landsmøtet i Noregs Mållag**

Det var ikkje landsmøte i 2019.

### **Årsmøtet i Det Norske Teatret**

Heidi Einarsrud, Bergfinn Aabø, Vigdis Rønning, Vivian Sørensen, Ruth Amdahl, Håvard Thorsby, Maria Austbø, Olav Kårevik, Øystein Gammersvik, Anne Cathrine Johansen.

### **Årsmøtet i Dag og Tid**

Vigdis Rønning, Terje Svindseth, Olaf Allmenningen.

### **Styret i Norsk Barneblad (for 2 år)**

Styremedlem Maria Austbø, varamedlem Rune Bergwitz.

### **Rådet i Norsk Barneblad (for 2 år):**

Rådsmedlemer Vigdis Rønning og Gunnvald Grønvik.  
Varamedlemer: Arne Nordvi og Anne Cathrine Johansen.

### **Generalforsamling Den mangfaldige scenen AS**

Terje Svindseth

### **Personar/BUL medlemer valde til verv i nærskilde organisasjonar**

Terje Svindseth, organisatorisk nestleiar i **Noregs Ungdomslag**

Jon Låte, leiar i **Fylkesmållaget Vikværingen**.

Anne Farseth, visepresident i **Norges Friidrettsforbund**.

Følgjande BUL-medlemmer er med i **Målpolitisk råd** på **Det Norske Teatret** frå april 2019: Fredrik Hope, Eli Ulvestad, Jens Kihl, Terje Svindseth, Marie Nicolaisen, Maria Austbø.

Laget hadde i meldingsåret desse **heidersmedlemene**: Ruth Amdahl og Trond Reitan.

Heidersmedlem Trond Reitan døydde torsdag 19. september etter ei tidmed sjukdom. Han vart 69 år gammal. Trond vart medlem i Bondeungdomslaget i 1985, og var aktiv i Songlaget frå starten.

Trond var ofte ein av dei første vi tenkte på når ei nemnd eller eit ombod skulle fyllast. Han var med i Lagsstyret og i Rådet i fleire periodar, han var i fleire valnemnder, i Stiftinga Grøttumsbråten på 1990-talet og i Jubileumsnemnda for 100-års jubileet til BUL i 1999.

Trond var aktiv i mange ordskifte. Han kunne vere kritisk og prinsippfast, men med ei sær sars lun og omgjengeleg form, og alltid like løysingsorientert.

Trond var ein stor ressurs for heile BUL, ikkje minst i arbeidet med å lage og utvikle medlemsregisteret og utviklinga av heimesider. Det var ikkje få dugnadstimar som gjekk med i dette arbeidet.

Trond vart utnemnd til heidersmedlem i Bondeungdomslaget i 2009, for den store innsatsen han hadde lagt ned gjennom mange år.